

मार्निंग डोगरी न्यूज़ बुलेटिन, समें. 09.20 Hrs

Headlines

1. मुख्मन्त्री उमर अब्दुल्ला होरें आखेआ ऐ जेकर जम्मू-कश्मीर दा राज्य दा दर्जा परतिए बहाल होई जंदा ऐ तां फी ओह नमें सिरेआ चुनां लेई तैयार ना। उनें आखेआ जे राज्य दा दर्जा हक ऐ कोई विशेषाधिकार नेई।
2. उपमुख्मन्त्री होरें आखेआ जे सरकार पराने उद्योगी इकाइयें गी बचाने ते नमें कारोबारें गी बढ़ावा देने लेई बचनबद्ध ऐ।
3. जल शक्ति मंत्री जावेद राणा होरें पानी दे संरक्षण लेई किट्टे रलिए जत्त करने पर जोर पाया।
4. जिला पुंछ नै प्रधानमंत्री आवास योजना-PMAY ग्रामीण तैहत 97 फीसद कम्म पूरे करिए जम्मू खित्ते च अब्बल थाहर हासिल कीती।
5. अज्ज संविधान हत्या दिवस मनाया जा करदा ऐ। इसदा मकसद 1975 आहले आपातकाल दौरान प्रभावित ते पीड़ित लोकें गी श्रद्धांजलि देना ऐ।

<><><><><><>

CM-Statehood

मुख्मन्त्री उमर अब्दुल्ला होरें आखेआ ऐ जेकर जम्मू-कश्मीर गी परतियै राज्य दा दर्जा दित्ता जंदा ऐ तां अस नमें सिरेआ चुनां करने दे विचार दा समर्थन करने आं। गुलमर्ग च मीडिया आहलें दे सवालें दा परता दिंदे होई उनें आखेआ जे राज्य दा दर्जा स्थाबा हक ऐ, कोई विशेषाधिकार नेई। मुख्मन्त्री होरें गलाया जे राज्य दा दर्जा बहाल करने दी मंग मते चिरें थमां होआ करदी ऐ ते एहदी कदर कीती जानी चाइदी ऐ। उनें आखेआ।

<><><><><><>

CM-Golf

मुख्मन्त्री उमर अब्दुल्ला होरें गुलमर्ग गी इक प्रमुख वैश्विक गोल्फ डेस्टिनेशन दे तौरा पर बहाल करने लेई अपनी सरकार दी प्रतिबद्धता गी दोहराया ऐ। गुलमर्ग गोल्फ समारोह च बोलदे होई मुख्मन्त्री होरें गोल्फ दे बुनियादी ढांचे दे टूर्नामेंट दी मेजबानी ते सैलानियें दी सुविधाएं च बाढा करने लेई केंद्रित जत्तें उप्पर जोर दित्ता। उनें गोल्फ सैलसफा दी आर्थिक ते सैलसफा दी क्षमता उप्पर लो पाई ते आखेआ जे एह मकामी अर्थ बवस्था च मता योगदान दिंदे ना। गुलमर्ग दी पिछली गोल्फ विरासत उप्पर चिंतन करदे होई मुख्मन्त्री होरें जम्मू-कश्मीर दी गोल्फ गी होर उच्चि थाहरा उप्पर पजाने ते उसी बढ़ावा देने दे संकल्प उप्पर जोर पाया। इस मौके पर मुख्मन्त्री होरें आखेआ।

<><><><><><>

Cy CM Industry

उपमुख्मन्त्री सुरिंदर चौधरी होरें आखेआ ऐ जे सरकार जम्मू-कश्मीर दी अर्थ बवस्था गी मजबूत करने ते रोजगार पैदा करने लेई परानी औद्योगिक इकाइयें गी परतियै बहाल करने ते नमीं इकाइयें गी बढ़ावा देने लेई प्रतिबद्ध ऐ। श्रीनगर च फेडरेशन ऑफ चैंबर ऑफ इंडस्ट्रीज कश्मीर कन्नै इक बैठक दी अध्यक्षता करदे होई उनें आखेआ जे लोडचदे फायदें गी फौरन जारी कीते जाने दा भरोसा दोआया। इस दरान उद्योग जगत दे नुमाइंदें लीज़ डीडी नियमितिकरण, खराब बुनियादी ढांचे ते माली रूकावटें जनेही गल्लें बारै उनेंगी दस्सेआ। डी.सी होरें अधिकारियें गी औद्योगिक इलाकें दा दौरा लाने ते उनेंगी आवारदी परेशानियें दा समाधान करने दे निर्देश दित्ते ते मकामी उद्योग ते निवेश गी बढ़ावा देने लेई हर चाल्ली दा समर्थन देने दी दोबारा पुष्टि कीती। प्रेस कांफ्रेंस गी संबोधित करदे होई डिप्टी सी.एम होरें जम्मू-कश्मीर च मसां मिले दे टनल प्रोजेक्ट्स दी मंजूरी दी बी सराहना कीती ते आखेआ।

<><><><><><>

Rana-Water Conservation

जल शक्ति मंत्री जावेद अहमद राणा होरें मौजूदा ते औने आहली पीढ़िं लेई पानी संरक्षित करने आस्तै किट्टे रलिए जत्त करने पर जोर पाया। पुंछ च इक बैठक दी अध्यक्षता करदे होई उनें जोर देइयै आखेआ जे एहदे च समुदाय दी शमूलियत ते मुख्य भरै च पानी दे संरक्षण लेई अपनाए जा'रदे नमने गी अपनाए जाने दी लोड ऐ। मंत्री होरें बरखा दे पानी गी

किट्टा करने, ड्रिप इरीगेशन ते पानी दा किफायत कन्नै इस्तेमाल करना बगैरा बारै जागरूकता पैदा करने लेई आखेआ।
इस दौरान पानी दे संरक्षण कन्नै जुड़े दे तौर तरीकें गी अपनाने सरबन्धी चुनौतिएं ते जिमीं हेठ पानी दे प्रबंधन बारै बी गल्ल कीती। उनें लोडचदे तरीकाकारें गी अपनाने ते लोकें गी इस भेठा जागरूक बनाने लेई आखेआ।

<><><><><><>

PM-MKB

प्रधानमंत्री नरेंद्र मोदी होर इस म्हीने दी 29 तरीक गी आकाशवाणी पर प्रसारित होने आहले अपने माहवार रेडियो कार्यक्रम “मन की बात” राएं देश-विदेश दे लोकें कन्नै अपने विचार सांझे करडन। एहू इस कार्यक्रम दी 123मीं किशत होग। लोक इस कार्यक्रम लेई अपने विचार ते सुझा टोल फ्री नंबर 1800-11-7800 पर सांझे करी सकदे न। लोक अपने विचार ते सुझा नरेंद्र मोदी ऐप या फी My Gov open forum पर भेजी सकदे न। विचार सांझा करने ते सुझा भेजने दी खीरी तरीक 27 जून ऐ।

<><><><><><>

PMAY-G Poonch

प्रधानमंत्री आवास योजना ग्रामीण तैहत जिला पुंछ नै 97 फीसद कम्म सबेरे कीते न। इयां करिए पुंछ नै इक महत्वै आहली उपलब्धि हासल कीती ऐ। जम्मू खित्ते च एहू दर हासिल करिए पुंछ जिले नै पैहली थाहर हासल कीती ऐ। डिप्टी कमिशनर विकास कुंडल हुंदी निगरानी च लागू कीती जा रदी एहू पहलकदमी ग्राएं च सारें लेई आवास यकीनी बनाने लेई प्रशासन दी प्रतिबद्धता गी दर्शादी ऐ। मंजूर कीते गेदे 49 ज्हार 265 घरें चा अजें तोड़ी कुल 47 ज्हार 784 घरें गी सफलतापूर्वक पूरा कीता गेआ ऐ जेदे कन्नै इस योजना तैहत बड़ी मती तरक्की दिक्खने गी लब्बी ऐ।

<><><><><><>

Samvidhan-Divas

संविधान हत्या दिस अज्ज मनाया जा करदा ऐ। एहू दिन 25 जून 1975 गी संविधान गी कुचलने दी घटनाएं दा चेत्ता नुआंदा ऐ। एहू दिन उनें सारें लोकं गी श्रद्धांजलि देने दा ऐ जिनें आपातकाल दी ज्यादातियें करी मुश्कलां झल्लियां। एहू भारतीय इतिहास दा सब्बनें थवां काला समां हा। पिछले बरे सरकार नै 25 जून गी संविधान हत्या दिवस घोषित कीता हा। इस बारै मन की बात कार्यक्रम च अपने विचार सांझा करदे होई प्रधानमंत्री नरेंद्र मोदी होरें आखेआ हा।

<><><><><><>

Ramban-Nasha

नशामुक्त भारत अभियान दे इक हिस्से दे तौरा पर लोकें च इस भेठा जागरूकता पैदा करने लेई नशीले पदार्थों दी रोकथाम सरबन्धी मैहकमें आसेआ इक जागरूकता शिविर लाया जा'रदा ऐ। इसदा मकसद लोकें गी जागरूक करने, खास करी युवाएं गी एहूदे माड़े असर बारै जानकार बनाना ऐ। इस दौरान नशा मुक्त समाज आहले धेइयै बारै बी जानकारी फैलाई जाग। इस दौरान संस्कृति कार्यक्रम, उपलब्ध हेल्पलाइन्स, रिहैबिलिटेशन, इस माड़ी कबैतू च फंसे दे लोकें लेई उपलब्ध सरकारी इमदाद बगैरा बारै दस्सेआ जाग। इस बारै होर जानकारी दिंदे होई रामबन दे असिस्टेंट कंट्रोलर ड्रग संजीव कुमार गुप्ता होरें आखेआ।

<><><><><><>